

մնացինք, և կամաց կամաց սկսեցինք նիրհման մեջ մտնել, Մի ժամանակ ինձ թուումէր թէ ես քնել եմ, առ հասարակ ամենքը նուազած և անըզ-
գայացած էին, և ոչ ոք չէր կարողանում և ոչ մի բառ արտասանել, Այս սարսափեցուցիչ լռութեան մեջ, իմ աչքերի առաջ ներկայանումէին
վայրենի պատկերներ և երեակայութիւնս աղմկող երեղծներ, և ահա
յանկարծ լսեցաւ մի զարհուրելի ձայն, « Զուր, ջուր, նորից դալիս է,
Մի՛թէ չէք լսում: » Ես շատ թողլ էի լսում ձայնը և չէի կարողանում
զանազանել, արդեօք ջրի ձայն էր այն թէ ոչ, նորից տիրեց լռութիւն,
Ես շօշափումէի շուրջս, բայց իմ զգայականութիւնս այն աստիճան բթա-
ցած էր, որ ես չկարողացայ համոզվել, ջուրը բարձրանումէր թէ ցածա-
նում, և կայ արգեօք ջուր մատանում թէ չէ, նորից աղաղակ լսե-
ցաւ, Այժմ ես աւելի պարզ լսեցի, և չէի կասկածում, որ մեզ օգնու-
թեան են հասած, Շուտով լսեցաւ բահերի, թիակների զարկը, վերջա-
պէս լսեցինք մարդիկների ձայներ ևս, Օգնութիւնը մօտ էր, Այսպիսի
փրկութեան յոյսը զարհուրելի ժամերից յետոյ ամենքի կուրծքից դուրս
հանեց վայրենի ուրախութեան ձայներ:

Քանի մի վայրկեանից յետոյ, արեգակի ճառագայթները մեր ապաս-
տանարանի ներս թափանցեցին ճեղքված պատից, Մեր զգացումը և նե-
զըրների ուրախութիւնը անկարող եմ նկարագրել, Մենք փրկված էինք,
բայց սանդուղի պակասութիւնը ուշացնումէր մեր գետնափոր ապաստարա-
նից դուրս գալը, Երիտասարդ նեգրուհու մանուկը, որի մասին նա ողբու-
մէր, աւերակների տակ բռնորովին անջնալ գտնվեցաւ, Մեզ ազատողները
միտէր Գօրգօնի սեռւ մշակներն էին, որոնք փոթորկից առաջ դաշտում
աշխատումէին, համարեա տնից միեկէս մղոն հեռաւորութեամբ, Թէպէտ
նոքա ևս ենթարկվել էին կատաղի փոթորկին, բարեբաղդութեամբ ազատ-
վել էին և շտապել էին օգնելու իւրեանց տիրոջը և դաստիարակին, Աւե-
րակների տեսարանը, որոնք մեր աչքի առաջ ներկայացան, երբ մենք մեր
ապաստարանից դուրս եկանք, անկարելի է խօսքերով արտայայտել, Դը-
րախտային գետինը, որը փոքր ինչ առաջ կանաչ էր, ծաղկած էր և զմայ-
լեցուցիչ տեսարան էր, այժմ կարծես ահագին հրդեհով այրված լինէր,
Բոլոր շուրջը մերկ և սևացած էր, Բուսականութիւնը, մարդկային բնա-
կարանները, կենդանական կեանքը — բոլորը կամ ոչնչացած էր, կամ
տների և ծառերի աւերակների տակ էր թաղված:

(Թարգմ.)

Ճէ. Դ. Դաս. աշ. Յ. Տ. Գ.

ԱՆԳԼԻԱՅԻ ԺՈՂՈՎՐԴԱԿԱՆ ԿՐԹՈՒԹԻՒՆԸ,

Անգլիական բոլոր թէ հարուստ և թէ աղքատ ուսումնարանները հիմ-
նըվեցան մասնաւոր անձների և ընկերութիւնների ձեռով, և այս պատճա-
ռով նոցա կեանքի և գործունէութեան մեջ կառավարութիւնը ամենեւին

չէր խառնվում: Բայց 1833 թ. երբ անգլիական ժողովրդի զարհուրելի տգիտութիւնը սկսեց սարսափ բերել անգլիացիների վերայ և երբ նոքա արդէն սկսեցին խոստովանել, թէ գործը բարւոյրելու համար անհրաժեշտ է շուտով մի բան անել, պարլամենտի մէջ յաջողեցաւ ընդունել տալ առաջարկութիւնը, օրէնքի նախագիծը, որով կառավարութիւնը կարողացաւ մասնակցել դպրոցական գործերին: Բայց այս մասնակցութիւնն ևս չափաւորված էր և ճշդիւ որոշված: Կառավարութիւնը դպրոցների շինութեան համար 20,000 ֆունտ ստերլինգ նշանակեց, Այս ժամանակից սկսած կառավարութեան օգնութիւնը հետզհետէ մեծացաւ և այժմ տարեկան միլիոն բուպլուց աւելի է:

Բոլոր անգլիական դպրոցները կբաժանվին մասնաւոր և հասարակական դպրոցների: Մասնաւոր դպրոցները շինված են մասնաւոր անձների փողով, և այս դպրոցների մեծ մասը մերժումէ կառավարութեան ամենայն միջամտութիւնը և հրաժարվումէ նորանից ընդունելու որեւիցէ դրամական օգնութիւն:

Հոգեւորականների ձեռով ևս շատ դպրոցներ են բացվում: Անգլիայում, Սորանից բացի ժողովրդի վերայ ազդելու ցանկութենից, անձնական շահերն ևս քաղումեն: Քահանան ամենից աւելի իւր վերայ է փորձում տգիտութեան հետեանքները, իւր և իւր ձխի լուստւորված մարդիկների մէջ մի ահագին վիհ կայ: Նոքա նորա մօտ չեն գնում ոչինչ բանի համար, և չեն ընդունում նորան, երբ նա գալիս է նոցա մօտ: Աւստի քահանաները չըջումեն դրացիների մօտ, դպրոցների համար փող են հաւաքում ցուցակով, և եթէ չէ բաւականանում, շատ անգամ իւրեանցից են դնում:

Միջնակարգ ուսումնարանների մէջ առաջին տեղն են բռնում քերականական կոչված դպրոցները, որոնք մի կերպով համապատասխան են մեր գիմնազիօններին: Այս դպրոցներից շատերը շատ վաղուց են հիմնված, նոցանից ոմանք դեռ ևս ԺԴ դարից գոյութիւն ունին, բայց սոցանից հընադրյններն ևս կան, սակայն մեծ մասը հիմնված է ԺԶ և ԺԷ դարերում: Սոցանից գլխաւորներն են. Իտօնեան, Ռօզրի, Հարրաուսեան, Ս. Պօղոսի, Ալեստմինստերեան, Աինչէստերեան և ուրիշ մի քանիսը:

Համարեա բոլոր քերականական դպրոցները շինված են մեծ քաղաքներից հեռու գիւղական տեղում, որը ունի գեղեցիկ դիրք, առատ ջրեր, շուրջ մարգագետիններ և լաւ պահանջված անտառներ: Միայն երկու դպրոց կան, որոնք բացառութիւն են կազմում այս կանոնից և գտնվումեն Լօնդօնում: Եւ սոցանից մին ևս անկման մէջ է, որի պատճառը դպրոցի քաղաքի մէջ գտնվելն են համարում, իսկ միւսն ևս վախենալով նոյն հետեանքներից պատրաստվումէ թողնել շուտով մայրաքաղաքը:

Անգլիացիները չեն կարող երեւակայել, որ մանուկների կրթութիւնը տօթագին օդի և պինդ փակված շորս պատի մէջ յառաջ գնայ: Անգլիական դպրոցները, ամենանշանաւորներն անգամ, չունին ահագին ջօրանոցների կերպարանք, ինչպէս Եւրօպայի միւս երկիրների մէջ է:

այլ սովորաբար աւելի նման են մի ուրախ աղարակի որի բաղմամբ շինութիւնները ձգված են այս այն կողմ և ամփոփումն կենդանագրական անկարգութեամբ գլխաւոր շինութեան շուրջ, որտեղ դրամութեան դասարաններ, Ահա մատուռն, նոյն կարգին և մատնագարանը որը ամբողջ օրը բաց է աշակերտների համար, փոքր ինչ հեռու գտնվում են գնդակահաղի և ուրիշ խաղերի տեղերը, Այստեղ է աւագ ուսուցչի տունը, նոյնտեղ է գիշերօթիկ որդեգիրների բնակարանը, նոյնպէս և թոշակաւոր աշակերտների բնակարանները, այլև աղիւսից շինված սիրուն գիւղական յարմարաւոր ամարանոցներ, Ամեն բան դերօրինակ մաքուր և ուրախ տեսք ունի, ոչինչ հարկադրական և զօրանոցական բան չկայ, Չկան այստեղ ոչ կարմիր շոր հագած դռնապաններ, ոչ տնապահներ, և առանց ամենայն դժուարութեան կարող էք մտնել դասարանները, միայն թէ դասատուութեան միջոցին չէ, երբ այցելուների մուտքը խստիւ արգելված է և գուցէ լծոյլատրվումէ միայն այն ժամանակ, երբ այցելուն անձամբ ծանօթ է ուսուցիչներին կամ յանձնարարական նամակներ ունի:

Գասերի վերջանալուն պէս իւրաքանչիւր աշակերտ բոլորովին ազատ է և լիովին տէր է իւր ժամանակին, որ և տնօրինումէ նա իւր նկատողութեան համեմատ, Բոլոր շրջակայ դաշտերն բաց են նորա համար, բոլոր խաղերը իւր տնօրէնութեան տակ են, նա կարող է տնից դուրս գնալ և երթալ ուր որ իւրեան հաճոյ է և վերադառնումէ տուն երբ իւր կամքն է, Միայն նա պարտական է գալ դասի և ճաշի սկզբին և այն ժամին, երբ արդէն դռները փակվում են, Բայց որքան որ աշակերտը այստեղ անսահման ազատութիւն է վայելում, այնքան ևս խիստ պահանջում են նորանից, սահմանված պարտաւորութիւնների կատարումն, նա պարտաւոր է իւր ժամանակին ներկայ գտնվել, ուր և երբ հրամայված է, շատ լաւ սովորել աւանդված դասերը, իւրաքանչիւր յափշտակում, մի փոքրիկ անճշդութիւն, մոռացկոտութիւն սարսափելի խիստ պատժին են ենթարկում, Այս կերպով, ասում են անգլիացիներ, մարդս վաղ կիմանայ, որ նորա կոչումն երկրիս վերայ ազատ լինել է, բայց և պատասխանատու իւր յանցանքների համար:

Իւրաքանչիւր դպրոցի շուրջ գտնվում են քանի մի օթեւաններ, ուր բնակում են թոշակատու աշակերտները, Այս օթեւանները կառավարում են դպրոցների ուսուցիչները, Թոշակաւորները մի որոշված վճար հատուցանելով, բնակում են ուսուցիչների տանը, բոլորովին բնտանեկան կեանքի պայմաններով և իւրաքանչիւրն ունի իւր համար առանձին սենեակ, ճաշ, թէյ և ընթրիք ուտում են աշակերտները ուսուցիչների բնտանիքի հետ և այս կերպով ուսումնարանում բոլորովին բնտանեկան կեանք են վարում, իրրեւ տանը, Տան կամ պանսիօնի գլխաւորը սովորաբար ուսումնարանի ուսուցիչն է, բարձր համալսարանական կրթութիւն ստացած, Այսպիսի ուսուցիչներ լինում են միանգամայն և դաստիարակ և առաջնորդ իւրեանց մօտ բնակող մանուկների մտաւոր զարգացման, Աւագ ուսուցիչները ա-

մենանշանաւոր դեր են խաղում քերականական ուսումնարաններում և իւրեանց պարապմունքի բազմութեան պատճառով չեն կարողանում շատ անգամ իւրեանք դաստիարակել իւրեանց աշակերտներին, ուստի նոքա վարձումեն մի ուրիշ դաստիարակ, որը գալիս է պանսիօն որոշված ժամերում կարգալու աշակերտների հետ նաղովք, ուղղելու դասերը, հարցնելու անգիր դասերը և առաջնորդելու այն անպարտադիր պարապմունքը, որոնք ըրացնում են դասարանական ուսումը, (ընթերցանութիւն, և այլն)։ Դաստիարակները մեծ ազդեցութիւն ունին աշակերտների վերայ, որոնք յաճախ իւրեանց բոլոր յժուարութիւնները, նեղութիւնները և վիշտերը հաւատում են նոցա։

Անգլիական երիտասարդների կրթութեան մէջ մեծ նշանակութիւն ունին հսկայական խաղերը, ոչ միայն աշակերտների աչքին, այլև ուսուցիչների, Սենեակի զուարճութիւնները, օրինակ թուղթ խաղալը, ծխելը, արբեցութիւնը խստիւ արգելված են և այս յանցանքների մէջ նկատված աշակերտը նոյն իսկ առաջին անգամին, պիտի խսպառ արտաքսվի ուսումնարանից։ Այստեղի երիտասարդների խաղերը, որոնք խրախուսու մեն ոչ միայն զբոսայտի կառավարութիւնը, հապա նաև բոլոր հասարակութիւնը, սոքա են, գնդակխաղ, ղեկավարումն, զուղընթաց վազվզումն, կրիկետ, Այս վարժութիւնների մէջ գերազանցողներին այնպիսի պատուով և ոգևորութեամբ են ընդունում, ինչպէս որ հին ժամանակները Ոլիմպիական խաղերի մէջ քաջ հանդիսացողներին էին անում։ Մի քանի ուսումնարաններում շաւրածը երկու անգամ, միւսներում՝ երեք անգամ դասերը կէսօրին են վերջանում։ Եւ ոչ միայն այն օրերում, երբ դասերը աւելի վաղ են վերջանում, հապա և բոլոր մնացած ժամանակները աշակերտները քանի մի ժամ խաղերով են զբաղում։ խաղերը այստեղ ոչ միայն զուարճութիւն են, հապա առանձին աշխատութիւն են, շատ անգամ իբրև պարտադիր պարապմունք, որը տնօրինած է սովորութիւնը և պահանջում զպրոցական վարչութիւնը։ Ոչ միայն աշակերտները, հապա և զպրոցի վարչութիւնը մեծ յարգանքով են նայում խաղերի մէջ գերազանց գտնվող աշակերտներին։ Շատ զպրոցներում վարչութիւնը խաղերը աւելի է խրախուսում քան թէ գիտութիւնների պարապմունքը, իսկ ամեն տեղ ընդհանրապէս խաղերը աւելի են խրախուսում քան թէ ընթերցասիրութիւնը։ Կրիկետում կամ ղեկավարութեան մէջ Տէմզայի վերայ գերազանց հանդիսացողները շատ զպրոցներում աւելի մեծ յարգանք են վայելում, քան թէ մատենագրական և մատենատիքական գիտութիւնների զխաւոր մրցման մէջ գերազանցող աշակերտները։ Եւ ինչ կենդանութիւն է լինում մարմնամարզական մրցումների օրերում, ինչ մրցումն է լինում միւսնոյն ուսումնարանի աշակերտների մէջ, բայց առաւելապէս երկու զպրոցների մէջ։ Ռօզբի աշակերտները հրաւեր են ուղարկում Իտօնին, Հարաուսեան պատանիները կամենում են ղգեր փորձել Իտօնեանների հետ, Հարրօուի մատենագրանում ըրող Բայրօնի, Պալմէրստօնի և ուրիշ երեւելի մարդիկ-

ների պատկերների կարգում, որոնք երբեմն աշակերտ էին այս ուսումնարանին, պարծենալով ցուցանումեն ձեզ պատուաւոր վահանը, որը երեք անգամ տարած են Հարրոուի դպրոցի աշակերտները հրացանաձգութեան մրցման մէջ։ Բայց թէ ինչպիսի կըքոտ մրցումն է լինում նաւակների մրցման օրերում։ Արդէն առաջուց քանի մի ամսի ընթացքում պատրաստվումեն այդ մրցման համար։ Սա ուսումնասիրութեան առանձին առարկայ է, առանձին մարզումն է։ Հսկայական խաղերի այս հակումն շարունակվումէ մանկական տարիներից յետոյ ևս։ Նոյն եռանդը, նոյն մրցումն Օկսֆորդի և Ալմերիքի համալսարանների ուսանողների մէջ կայ։ Ամեն տարի մարտ ամսում երկու մեծ համալսարանները հաւաքվումեն Լոնդոնում նաւակների վճռողական մրցման համար Տէմզայի վերայ։ Բոլոր մայրաքաղաքը կենդանի կերպով մասնակցումէ այս հանդէսին։ Տիկիւններ և օրիորդներ զարդարվումեն համալսարանական գոյներով։

Հսկայական խաղերի կիրքը իւր լաւ և վատ կողմեր ունի։ Չնայելով մշտական մտախիղոտ և խոնաւ երկնքին, անգլիական երիտասարդները գերազանց առողջութիւն, գերօրինակ ոյժ և եռանդ ունին։ Բայց միևնոյն ժամանակ մտաւորական պարապմունքը երբեմն բաւական փնասվումէ, որովհետեւ մարմնական կրթութիւնների համար զործ են դնում չափազանց շատ ժամանակ։ Այս խաղերը և մրցմունքը այն աստիճանին զրաւումեն շատ երիտասարդներին, որ նոքա միայն նոցա վերայ են մտածում, և եթէ դասերը բոլորովին երեսից չեն ձգում, որովհետեւ վարչութիւնը խստիւ հրսկումէ սորա մասին, բայց և այնպէս ամենեւին չեն զարգանում մտաւորապէս։ Ուսումնարանների մէջ չափազանց յարգանքը դէպի ֆիզիքական զարգացումն պատճառ է լինում անգլիացիների գրեթէ հիւանդութիւն դարձած ձգտմանը դէպի մենամարտութիւն, աքաղաղների կոիւ և մարմնակրթութեան ուրիշ տեսակներ։

Ուսումնարանի բոլոր աշակերտները չեն բնակում մեր նկարագրած պանսիօնների մէջ։ Որդեգիր աշակերտները դանազանվումեն միւսներից իւրեանց զրութեամբ, կանոնով, կենցաղավարութեամբ, շատ անգամ և զգեստով։ Հիմնելով դպրոցը, հիմնադիրները միշտ աչքի առաջ ունեցած են ուսում տալ գոնէ քանի մի աղքատ մանուկներին։ Սակայն հարկաւոր չէ կարծել, թէ որդեգիր աշակերտները բոլորովին ազատ են վարձ վճարելուց։ Սովորաբար նոցա կրթութիւնը երկու, երեք անգամ աւելի արժան է նստում, քան թէ թոշակաւորներին, որոնք մեծ գումարներ են վճարում։ Բայց Կարտեղեան դպրոցում և Ալինչէստէրում որդեգիրների ուսումը բոլորովին անվարձ է։ Փոքր և աղքատ զարանոցներում բոլոր որդեգիրները բնակումեն մի առանձին շինութեան մէջ, բռնած ունին քանի մի ննջարաններ։ Բայց մեծ մասամբ դպրոցների մէջ բարձր դասարանի որդեգիր աշակերտներին տալիս են բոլորովին առանձին սենեակ։ Իսկ փոքրները քրնումեն մի ննջարանի մէջ, որը բաժանված է առանձին փոքրիկ խցիկների։ Որդեգիրներն ամեն բանով զանազանվումեն իւրեանց թոշակաւոր ընկեր-

ներից: Նորա ոչ միայն հաղնումեն սովորարար ուրիշ զգեստս պլ Նոցա համար մինչև անգամ առանձին տեղ կայ եկեղեցում: Նորա շատ քիչ են բարեկամանում և ժողովում թոշակաւորների հետ: Խաղումեն միայն միմեանց հետ և անհամեմատ պակաս են զբաղում հակայական խաղերի զուարճութիւններին: Անհամեմատ աւելի աղքատ և աննշան լինելով քան թէ իւրեանց ընկերները, որդեգիրները նոյնպէս անհամեմատ աւելի լաւ են պարապում գիտութիւններով:

Որդեգիր աշակերտները իւրեանց մտաւոր զարգացման նկատմամբ առհասարակ քերականական դպրոցների ընտրեալ մաս և ծաղիկ են համարվում: Նորա մտնումեն համալսարան շատ աւելի լաւ պատրաստված, և զրեթէ թոյր արտօնութիւններ նորա են ստանում: գիտութիւնների մէջ ցոյց տուած յառաջադիմութեան համար:

Անգլիական թոյր ուսումնարանների մէջ պահպանվումէ գերօրինակ կարգապահութիւն: Օրէնքին մի անգամ սահմանված կարգին, սովորութեան, ամենատեսակ տնօրէնութիւններին և հասարակական պահանջներին հնազանդութիւնը անգլիացիները ծծումեն զեռ ևս իւրեանց մայրական կամի հետ: Նորա քոյրերը և եղբայրները հնազանդումեն ծնողների սահմանած կարգապահութեան: Նորա ծնողները, շնայելով քանի մի սովորութիւնների ծանրութեան և ակներև անտեղութեան, քաջութեամբ և անտրտուջ կատարումեն այն ամենը, ինչ որ տնօրինած է հասարակութիւնը: Մանուկն իւր երեխայութենից տեսնումէ, որ նորա հայրը խոնարհումէ ամենայն օրէնքի առաջ, որքան ճնշող, խիստ և մինչև անգամ անտեղի ևս լինի: Անգլիացին, ասումէ մի նշանաւոր հեղինակ, քննումէ միայն բէնէնէ Ն-ի-էնէն բայց օրէնքը ընդունվելու բոպէից, նա կուրօրէն հնազանդումէ նորան: Սորա հետեանքն է որ անգլիական մանուկները դպրոցներում շուտով են հնազանդում սահմանված կարգին: Իւր դպրոցի կանոնադրութեան մէջ նա տեսնումէ իւր փոքրիկ հայրենիքի տեղական օրէնքը: Նորա համակրումեն կանոնադրութեան մինչև անգամ օտարօտի յօդուածներին, եթէ պատահումեն և յարգումեն նոցա նոյնպէս, ինչպէս լրջմիտ պատուէրներ: Կանոնադրութեան մէջ մի որևիցէ փոփոխութիւն և բարեփոխում անելը դժուար գործ է նոյն ինքն իշխանութեան համար: Այն աստիճանին նշանակված կարգերը աշակերտների սովորութիւն են դառնում: Այս ընտելացած, սովորած լինելով, մասամբ ևս միանգամ սահմանված օրէնքին, միանգամ հրատարակված կանոնին համակրելով կարելի է մասամբ մեկնել շատ հետոի հաստատութիւնների պահպանութիւն, անշարժութիւն և հնացած սովորութիւններ: որոնք ժամանակիս ոգուն անհամապատասխան հն և տիրապետումեն մինչև այժմ քերականական դպրոցներում: Դպրոցների կառավարիչ աշխատումեն նշանակել այնպիսի անձներ, որոնք կարողանային ձեռք բերել երիտասարդների հաւատարմութիւն և աշակերտների սրտեր գրաւել: Աւսուցիչները մեծ մասամբ պատկանումեն հոգեւորական դասին և ոչ միայն դասախօսումեն դպրոցում, այլ և վարումեն եկեղեցական պաշ-

տօն և քարոզումն և կեդեցում: Այսպէսով նորա կարողանումն բոլորովին տիրել իւրեանց աշակերտների հոգուն: Ուսումնարան մտնող մանուկներն արդէն իւրեանց տանը սովորած են խորին յարգանքով և խոնարհութեամբ նայել ամեն կրօնական բաներին: Առ իւրեանց մանուկ հասակից նոցա սովորութիւն է դարձել աղօթել: Գեռ ևս իւրեանց մօր ծնկների վերայ նստած նորա սովորած են փառաբանութեամբ լսել Աստուածաշնչի ընթերցանութիւնը: Երբէք չեն լսած ամենափոքր կասկած կրօնի մասին: Անհատ անգլիացին երբէք իւր կասկածները կրօնի վերայ չի ասի իւր ընտանիքի մէջ և իրրեւ խորին հաւատացող նա կատարեալ յարգանք է մատուցանում ամեն ծէսերին և կրօնական սովորոյթներին: Նոյն յարաբերութիւնը կայ առ կրօնը զպրոցում ևս: Արեւակէ և երկուշաբթի առաւօտը նուիրված են կրօնի դասերին: Եւրաքանչիւր օր առաւօտ և երեկոյ լինումէ ընդհանուր աղօթք և Աստուածաշնչի ընթերցանութիւն:

Պարտաւորութիւններ չկատարելու համար պատժումն և շատ անգամ շատ խիստ: այսինքն արձակուրդից են զրկում: տալիս են աւելորդ դաս սովորելու: բանտի մէջ են փակում: գործ են դնում և զանազան մարմնական պատիժներ: որոնց մէջ մինչև այժմ գլխաւոր դերը խաղումէ ձաղկածեծը կամ՝ բրածեծը (porra) և վերջապէս արտաքսումն վարժարանից: Աշակերտների լիակատար ազատութիւնը և ինքնակայութիւնը լաւ յարաբերութիւններն առ ուսուցիչները և նոր ժամանակների ուրիշ կարգերը այստեղ, ինչպէս անգլիական կեանքի բոլոր երեւոյթների մէջ, յառաջ են գնում միջնադարեան սովորոյթների հետ միասին: Ինչպէս զպրոցական բոլոր կազմակերպութեան մէջ իւրաքանչիւրը իւր տեղը գիտէ: իւրաքանչիւրին յայանի է իւր պարտաւորութիւնը: նոյնպէս և ծեծելու պարտաւորութիւնը վաղուց յանձնված է աւագ ուսուցչին: Միայն աւագ ուսուցիչն և եթ իրաւունք ունի իւր ձեռով այս դատաւճիոր կատարելու: Դատաւճի համար նշանակված ժամին նա ծեծումէ այն ամեն մանուկներին, որոնց միւս ուսուցիչները ուղարկումն նորա մօտ: Քանի մի զպրոցներում կայ տուգանքի մատեան, եթէ մի մանուկ երեք անգամ նշանակվեցաւ մատեանում: մի որեւիցէ բանի համար, օրինակ 10 րոպէ դասարան ուշ մտնելու համար, նշանակված ժամին աղօթքին ներկայ չգտնվելու համար, և այլն: չորրորդ անգամին նորան արդէն պատժումն ձաղկով: Գլորոցի կանոններով այս պատժին ենթակայ է ամեն աշակերտ: ինչ հասակի որ լինի: բայց իրօք ծեծումն միայն փոքր աշակերտներին: Ամեն կանոններին և օրէնքներին հնազանդելու սովորած լինելով, աշակերտներն իւրեանք են պաշտպանում ձաղկածեծը և չեն կամենում նորան փոխարինել մի ուրիշ պատժով: Մի անգամ մի զպրոցի աւագ ուսուցիչը կամեցաւ ձաղկածեծի տեղ զրամական տուգանք նշանակել: «Մենք սաստիկ ընդդիմացանք այս նորամուտ գործին: պատմումէ մի անգլիացին իւր զպրոցական կեանքի մասին գրած յիշատակարանների մէջ, «մենք չէինք կամենում որ մեզանից առնեն մեր սեփական կօպէկները: Մեղ թուումք թէ ձաղկածեծը շատ յարմար է ջէնտրլմենի

(ազնուական) կոչմանը: իսկ տուգանքը ոչ երբէք: Դպրոցը ընդդիմացաւ ազադակելով. «ի բաց տուգանքը կեցցէ ձաղկածեմը»: Սա մի նշանաւոր ապստամբութիւն էր: Եւ մենք, չին կարտեզեաններս (լուսկաց միայնականացներս) մինչև այժմ դեռ յիշումենք այն խռովութիւնը: Զաղկածեմը հանդիսարար վերականգնեցաւ: Միւս օր առաւօտը: զրամական տուգանքը վերցնելուց յետոյ, դասարան մտնելիս տեսանք ձաղկերի հոգակաւոր անտառը և երկու ժամ գործածվեցաւ նոցա ի գործ գնելու համար:»

Հատ դպրոցներում՝ շատ անգամ տալիս են ապստաններ, բայց աւելի յաճախ հարուածներ են տալիս ձեռին: Աւուցիչը բարակ քանոնը ձեռին պատուիրումէ աշակերտին մեկնել ձեռը: Մանուկը ստանումէ հարուած և իսկոյն մեկնումէ միւս ձեռը: Զափազանց յաջողակ մեկնումէ նա հարուածների համար նախ-մին, և յետոյ միւս ձեռը, առանց նշան անգամ ցոյց տալու թէ կամենումէ ձեռը յետ քաշել և գոնէ մի ըսպէ ուշացնել պատիժը: Երևումէ, որ աշակերտներն իւրեանց հպարտութիւն և պարծանք են համարում պատիժը կրել գործած յանցանքի համար առանց ազադակելու: Կամ ձայն հանելու, թէպէտև նոցա աչքերը թրջվումեն և տրտասութենովը ցայտումեն նոցա կամքի հակառակ:

(Կշարանակի)

ՃէՏ. Ե. Դաս. աշ. Ա. Զ.

Յ Ո Ւ Յ Ա Կ

Դրէք և ծիւղաց արգելանց Մարտիրոսիւն Ընկերութեան Նոր - Բայադէրան յանուն
բժշկութեան հիմնի է 1879 - 1880 - 1881 թ.:

ՄՈՒՏԲ.	Բ.	Կ.	ԾԱԽԲ.	Բ.	Կ.
Ընկերութեան գրամագլուխ տոկոսներ	3300		Իրից ուսուցչաց եւ մի վարժուհւոյ վարձն	952	83
Ապաւելի ընկերութեան	328		Վաւելեաց, ի պէտս դպրոցի ձեռագործութեան, գրեանց չըքաւոր երեխայից, Մշակ եւ Մեղու լրագրաց, եւ այլ մանր մասնաբաժնի պիտոյից	130	30
Նարանապատկան կրպակացն	48		Վարձք ծառայից	96	36
Ի նստիկին հոգաբարձուէ	362	22	Նորոգ նստարանաց եւ գրասենիցանաց շինութեան	42	15
Յարդեանց մասանց տան ս.			Շինութիւն օրհորդաց դպրոցի եւ երից նորոգ կրպակաց, եւ նորոգութիւն միւսոց	995	92
Աստուածածին եկեղեցւոյն	199	18	Վարձք ընտանեացիներու համար	10	
Ի թոշակագրամաց	228	75	Մնաց տու մին մարտի 1880 տ.	2227	56
Ի կալուածաց եկամուտք	336	30	մի տոկոսներ գրամագլուխ	3863	29
Ի կապալաւուէ մամալաճաւութեան	300				
Ի գրամագլուխ տոկոսիք	485				
Յեկեղեցական գումարաց սըրբոյն Աստուածածնի յօգնութիւն շինութեան օրհորդաց դպրոցին	200				
Ի պատկառեաց նուէրք	303	40			
	6090	85			